



EXCELSISSIMO DOMINO
pariter ac litteratissimo,

D. D. FRANCISCO

FERNANDEZ A CASTRO
ANDRADE LIGNANI ET
Gatinara Comiti de Lemos, Marquioni de
Sarria, Comiti de Andrade, Villalua, &
Castro, Duci de Taurifano, D. Domorum,
quas Marinas vocant, insuper Domorum de
Viezma, regni Galletiani Archidoryphoro,
Commendatario de Hornachos, generoso D.
Iacobi Stemmate decorato.



CONTROVERSIAS, quæ ad primam secundæ Ange-
lici præceptoris spectant, Præclarissime Princeps, ad tuæ ex-
cellentiæ sacrarium sitto: leue donum, si manum inspicias,
augustum si animum: offerent alij magnificentius, sed nos
non possumus amantius: Verum si amor iste quia meus ad-
huc sine pretio, hoc saltem laudabis: diu donum hoc inter manus dantis
non hæsisse, nam tuus prius fuit ad tutelam, quàm ad laborem meus. Ve-
rum neque hoc laudes, quia extra arbitrium hæc festinatio fuit, cum tu te
ipsum clamante ipsius operis argumento elegeris: abstulisti nutationem
pariter, & meritum: venit illa à similitudine, quæ ancipitem mentem in
varia diuersat: quid ego nutarem cum neque propinquum, quominus si-
milem agnoscerem, qui agnoscerem cum perspicuum vel cæcis sit, in to-
ta augustissimi Philippi curia Phœnicem te litterarum esse, ni in eo à
Phœnice gloriosè degeneres, quod nec successorem relinquere possis, nec
velis. Adulari (Princeps nobilissime) nec didici, nec scio; sed tu scis tibi
hæc non principi dici: Adeo hæc sunt testata, vt ausim te ipsum par-
cum tui ipsius æstimatorem testem gloriæ vocare. Inuenirem forsitan no-
bilem fautorem, sed quem deuenustaret inscitia; adoprarem sapientem
sed qui auroꝝ sanguine non claresceret. O quam pulchrum est hic mi-